

Majestic Shades Dancer Bintulu johan Festival EthDance 2023

BINTULU: Majestic Shades Dancer dari Bintulu dinobatkan sebagai johan Festival Tarian Kreatif Etnik Borneo (EthDance) 2023 yang berlangsung di Dewan Sri Kenyalang Universiti Putra Malaysia Kampus Bintulu (UPMKB) malam Ahad lalu.

Kumpulan tarian yang diketuai Fazry Abdullah itu telah menampilkan tarian 'Kalong' yang bermaksud corak motif atau ukiran dalam bahasa Orang Ulu yang juga penanda aras status dalam masyarakat terbabit.

Naib johan pula disandang Badansa Dance Troupe UPM dan tempat ketiga diraih Bahari Limbai yang mewakili Kolej Sri Rajang (KSR) UPMKB.

Hadiah-hadiah kepada pemenang disampaikan oleh Pengarah Kampus UPMKB Profesor Dr Shahrul Razid Sarbini.

Hadir sama Pensyarah Kanan yang juga Pengetua Kolej Sri Rajang merangkap Ketua Hal Ehwal Pelajar dan Alumni (HEPA) UPMKB Dr Kamil Latif.

Sementara itu, Busana Terbaik diraih oleh Majestic Shades Dancer, Gerini Tari dan Tandak Remang.

Susunan Muzik Terbaik dan Koreografer Terbaik pula disandang Majestic Shades Dancer, Badansa Dance Troupe UPM dan Bahari Limbai KSR UPMKB.

Jurucakap UPMKB berkata, festival tarian itu disertai lapan kumpulan tarian di Sarawak dan Semenanjung Malaysia.

Ia merupakan anjuran bersama UPMKB, Kementen-



JOHAN: Majestica Shades Dancer merakam gambar kenangan bersama Shahrul dan Kamil (tengah).



NAIB JOHAN: Badansa Dance Troupe UPM.



TEMPAT KETIGA: Bahari Limbai.

rian Pelancongan, Industri Kreatif dan Seni Persembahan Sarawak dengan sokongan Majlis Seni Sarawak.

Katanya, festival itu di-hakimi barisan juri diketuai Tuah Jili, Kalai Ampy dan Hanizam Asalan.